

┆ HARTA DAN WANG KOPERASI-KOPERASI BERDAFTAR**50. Wang koperasi berdaftar.**

Wang sesuatu koperasi berdaftar boleh diperdapatkan melalui mana-mana atau kesemua yang berikut:

- (a) fee masuk, yang tidaklah boleh dikembalikan kecuali dalam hal apabila sesuatu permohonan untuk menjadi anggota telah ditolak;
- (b) syer-syer yang dilangani dan dibayar oleh anggota-anggota, yang daripadanya suatu bilangan minimum yang ditetapkan dalam undang-undang kecil koperasi berdaftar itu tidak boleh dikeluarkan kecuali selepas keanggotaan tamat, tetapi syer yang dilangani melebihi sumbangan minimum ini boleh dikeluarkan atau dipindahkan atau kedua-duanya tertakluk kepada peruntukan-peruntukan Akta ini dan peraturan-peraturan dan kepada apa-apa had yang ditetapkan dalam undang-undang kecil koperasi berdaftar itu;
- (c) dalam hal koperasi-koperasi berdaftar yang matlamatnya ialah untuk menggalakkan jimat cermat di kalangan anggota-anggotanya dan untuk mewujudkan suatu sumber kredit bagi anggota-anggotanya, modal yuran;
- (d) simpanan khas daripada anggota-anggota, yang hendaklah boleh dikeluarkan tertakluk kepada syarat-syarat yang ditetapkan dalam undang-undang kecil;
- (e) deposit atau pinjaman daripada anggota-anggota dan yang bukan anggota, tertakluk kepada sekatan-sekatan yang ditetapkan dalam Akta ini dan peraturan-peraturan dan dalam undang-undang kecil koperasi berdaftar itu;
- (f) lebihan yang dibawa ke Akaun Rizab;
- (g) derma dan pemberian yang diberikan oleh orang-orang ketiga, kecuali bahawa derma daripada sumber asing sama ada yang ditawarkan secara langsung. atau selainnya, tidak boleh diterima oleh sesuatu koperasi berdaftar tanpa mendapat kelulusan Ketua Pendaftar terlebih dahulu.

51. Pemberian pinjaman oleh koperasi berdaftar.

- (1) Tiada koperasi berdaftar boleh memberikan apa-apa pinjaman atau kemudahan kredit lain kecuali kepada
 - (a) anggota-anggotanya;
 - (b) pekerja-pekerjanya;
 - (c) subsidiarinya atau subsidiari-subsidiarinya; atau

(d) sesuatu koperasi berdaftar yang lain,

dan pinjaman atau kemudahan kredit lain itu hendaklah tertakluk kepada-

(aa) peraturan-peraturan dan undang-undang kecil koperasi itu; dan

(bb) dalam hal subsidiari atau subsidiari-subsidiarinya atau koperasi berdaftar yang lain, kelulusan Ketua Pendaftar juga.

- (2) Subseksyen (1) tidaklah terpakai bagi sesuatu koperasi berdaftar yang dibenarkan memberikan pinjaman atau kemudahan kredit. lain mengikut peruntukan-peruntukan mana-mana undang-undang bertulis lain yang menguasai operasinya.
- (3) Menteri boleh, melalui perintah am atau khas, melarang atau menyekat pemberian pinjaman berdasarkan gadaian atau gadai janji harta tak alih oleh mana-mana koperasi berdaftar atau golongan koperasi berdaftar.

52. Sekatan atas peminjaman.

- (1) Sesuatu koperasi berdaftar boleh, tertakluk kepada kelulusan mesyuarat agung atau mesyuarat agung khasnya, meminjam wang daripada anggota-anggotanya dan daripada yang bukan anggotanya untuk digunakan bagi maksud yang khas dalam perniagaannya.
- (2) Sesuatu koperasi berdaftar hendaklah, setiap tahun, menentukan, pada mesyuarat agung, had maksimum keterhutangan berkenaan dengan pinjaman dan deposit yang sedia ada dan yang baru yang akan ditanggung dalam tahun yang akan datang.

53. Sekatan atas transaksi-transaksi lain dengan yang bukan anggota.

Tertakluk kepada seksyen 51 dan 52, transaksi-transaksi sesuatu koperasi berdaftar dengan orang-orang selain daripada anggota-anggotanya hendaklah tertakluk kepada larangan-larangan dan sekatan-sekatan yang ditetapkan melalui undang-undang kecilnya.

54. Pelaburan wang.

- (1) Tertakluk kepada peraturan-peraturan dan kepada undang-undang kecilnya, sesuatu koperasi berdaftar boleh melaburkan atau menandatangani wang berlebihannya dalam-
- (a) mana-mana institusi kewangan yang dilesenkan di bawah Akta Bank dan Institusi-Institusi Kewangan 1989;
- (b) mana-mana institusi kewangan yang di-tubuhkan oleh Kerajaan Persekutuan;

- (c) mana-mana koperasi berdaftar yang diluluskan oleh Ketua Pendaftar melalui pemberitahuan dalam Warta;
- (d) mana-mana bon atau sekuriti yang dikeluarkan di Malaysia dan diluluskan oleh Bank Negara Malaysia;
- (e) syer-syer baru, yang penerbitannya atau penjualannya telah diluluskan di bawah Akta Perindustrian Sekuriti 1983, dalam mana-mana syarikat berhad awam yang diperbadankan di Malaysia yang memang sudah tersenarai pada suatu bursa saham di Malaysia atau yang penyenaraianya pada suatu bursa saham di Malaysia sudah diluluskan di bawah Akta Perindustrian Sekuriti 1983; atau
- (f) apa-apa pelaburan dan sekuriti lain yang pada masa ini dibenarkan di bawah mana-mana undang-undang bertulis bagi pelaburan wang amanah.

(2) Tiada koperasi berdaftar boleh melaburkan wang berlebihannya dengan apa-apa cara lain, kecuali, dengan kelulusan Ketua Pendaftar, dalam-

- (a) syer atau sekuriti mana-mana koperasi berdaftar lain;
- (b) modal syer atau stok debentur boleh tukar atau boleh tebus mana-mana syarikat atau mana-mana pertubuhan perbadanan yang didaftarkan di Malaysia, selain daripada yang dinyatakan dalam subseksyen (1);
- (ba) mana-mana syarikat usahasama; atau
- (c) subsidiari-subsidiarinya.

Pind. Akta
A963/96.

Pind. Akta
A963/96.

(3) Tiada koperasi berdaftar boleh melaburkan wangnya di bawah perenggan-perenggan (1)(e) dan (1)(f) dan subseksyen (2) melebihi had yang ditentukan oleh mesyuarat agungnya.

- 2.**
- (1) Perenggan 54(1)(e) Akta hendaklah terpakai bagi semua koperasi berdaftar, kecuali koperasi sekolah, seolah-olah perkataan "baru" selepas perkataan "syer-syer" telah dipotong.
 - (2) Ubahsuaian dalam subperenggan (1) hendaklah terpakai tertakluk kepada syarat yang berikut
 - (a) pembelian syer itu diluluskan oleh mesyuarat agung masing-masing koperasi berdaftar itu; dan
 - (b) syer itu dibeli dengan menggunakan wang berlebihan koperasi itu dan tidak dengan wang pinjaman.

55. Keuntungan modal.

- (1) Sesuatu koperasi berdaftar hendaklah mengkreditkan ke dalam Akaun Rizab Modalnya segala keuntungan modal yang diperolehi daripada
 - (a) penjualan tanah atau bangunan, atau kedua-duanya, sebagai aset tetap; dan
 - (b) penilaian semula tanah atau bangunan, atau kedua-duanya, sebagai aset tetap, dengan kelulusan Ketua Pendaftar.
- (2) Keuntungan modal yang disebutkan dalam perenggan (1)(a) boleh digunakan oleh koperasi berdaftar itu bagi semua atau mana-mana maksud yang berikut:
 - (a) penerbitan syer bonus;
 - (b) penghapusan kira kerugian terkumpul;
 - (c) penghapusan kira kerugian modal; dan
 - (d) pewujudan suatu Kumpulan Wang Penebusan Syer Bonus.
- (3) Tiada koperasi berdaftar boleh menggunakan keuntungan modal yang disebutkan dalam perenggan (1)(a) bagi maksud menerbitkan syer bonus melainkan jika dan sehingga semua kerugian terkumpul dan semasanya, jika ada, telah dihapuskan sepenuhnya.
- (4) Keuntungan modal yang disebutkan dalam perenggan (1)(b) boleh digunakan oleh koperasi berdaftar itu untuk menerbitkan syer bonus kepada anggota-anggotanya, dan syer bonus itu tidak boleh dikeluarkan tetapi boleh, dengan kelulusan Lembaga, dipindahkan kepada anggota lain koperasi berdaftar itu atau, dalam hal anggota yang mati selepas syer bonus itu dikeluarkan, dibayar daripada Kumpulan Wang Penebusan Syer Bonus koperasi berdaftar itu.
- (5) Syer bonus yang ditebus oleh sesuatu koperasi berdaftar boleh diterbitkan semula sebagai syer bonus kepada anggota-anggotanya mengikut peruntukan-peruntukan undang-undang kecilnya.
- (6) Suatu daftar syer bonus hendaklah disenggara oleh koperasi berdaftar itu.
- (7) Seksyen ini tidaklah terpakai bagi sesuatu koperasi berdaftar yang dikehendaki oleh peruntukan-peruntukan mana-mana undang-undang bertulis lain yang menguasai operasinya supaya memperlakukan keuntungan modalnya mengikut cara yang diperuntukkan dalam undang-undang itu.

56. Untung bersih.

Untung bersih teraudit sesuatu koperasi berdaftar bagi setiap tahun kewangan hendaklah ditentukan selepas ditolak belanja pengendalian, peruntukan bagi hutang lapuk dan hutang ragu, susut nilai aset dan penghausan nilai pelaburan.

57. Pengagihan untung bersih teraudit.

Pind.
A963/96.

- Akta (1) Tiap-tiap koperasi berdaftar hendaklah membayar ke dalam Kumpulan Wang Rizabnya tidak kurang daripada lima belas peratus daripada untung bersih terauditnya bagi setiap tahun kewangan.

(2) Tertakluk kepada subseksyen (7), tiap-tiap koperasi berdaftar hendaklah, daripada untung bersih terauditnya bagi setiap tahun kewangan, membayar sekian jumlah wang yang ditentukan oleh Menteri kepada-

(a) Kumpulan Wang Amanah Pendidikan Koperasi; dan

(b) Kumpulan Wang Amanah Pembangunan Koperasi bagi mana-mana koperasi menengah atau atasan yang telah diisytiharkan oleh Menteri sebagai badan yang mewakili pergerakan koperasi diperingkat kebangsaan dan antarabangsa,

yang ditubuhkan di bawah peraturan-peraturan bagi memajukan prinsip-prinsip koperasi.

(3) Tiada koperasi menengah atau atasan boleh diisytiharkan di bawah perenggan (2)(b) sebagai badan yang mewakili pergerakan koperasi di peringkat kebangsaan dan antarabangsa melainkan jika-

(a) matlamat-matlamat koperasi itu termasuklah menggalakkan prinsip-prinsip koperasi dan memudahkan operasi koperasi-koperasi berdaftar; dan

(b) undang-undang kecil koperasi itu membuat peruntukan bagi-

(i) pergabungan segala koperasi berdaftar tanpa apa-apa sekatan atau pembayaran apa-apa fee kecuali fee masuk; dan

(ii) perlantikan kepada Lembaganya, oleh Menteri, akan sekurang-kurangnya seorang wakil daripada kementerian Menteri itu, dan akan seorang wakil daripada Kementerian Kewangan.

(4) Maka bolehlah ditolak daripada jumlah wang yang disebutkan dalam subseksyen (1) apa-apa jumlah wang yang dibayar menurut subseksyen (2).

(5) Tertakluk kepada subseksyen (7), sesuatu koperasi berdaftar boleh, selepas bayaran-bayaran yang dinyatakan dalam subseksyen (1) dan (2), menggunakan untung bersih terauditnya bagi setiap tahun kewangan bagi semua atau mana-mana maksud yang berikut:

(a) pembayaran potongan kerana langganan dan pulangan atas deposit;

(b) pembayaran dividen, yang tidak boleh, bagaimanapun, melebihi kadar maksimum yang ditetapkan dalam peraturan-peraturan, atas syer dan yuran anggota-anggota koperasi berdaftar itu;

(c) pembayaran honorarium kepada anggota-anggota Lembaga koperasi berdaftar itu, yang tidak boleh, bagaimanapun, melebihi jumlah wang yang diluluskan oleh Ketua Pendaftar;

(d) pembayaran sejumlah wang yang tidak melebihi sepuluh peratus daripada untung bersih teraudit bagi apa-apa maksud khairat atau bagi apa-apa maksud lain.

(6) Tiada potongan kerana langganan, pulangan atas deposit atau dividen atas syer dan yuran boleh dibayar kepada anggota-anggota sesuatu koperasi berdaftar dan tiada honorarium boleh dibayar kepada anggota-anggota Lembaga sesuatu koperasi berdaftar kecuali daripada untung bersih teraudit koperasi berdaftar itu.

(7) Tiada koperasi berdaftar boleh menggunakan untung bersihnya bagi apa-apa maksud di bawah subseksyen (2) atau (5) melainkan jika dan sehingga semua kerugian terkumpulnya, jika ada, telah dihapus kira sepenuhnya.

Pind.
A963/96.

Akta

(8) Walau apa pun subseksyen (7), sesuatu koperasi berdaftar yang kerugian terkumpulnya telah tidak dihapuskira sepenuhnya boleh, dengan kelulusan Ketua Pendaftar, menggunakan untung bersih terauditnya untuk pembayaran dividen yang dalam mana-mana kes tidak boleh melebihi lima peratus jumlah syer atau yuran anggota, atau kedua-duanya.